

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**R J E Š E N J E**

**o dopuštenosti koncentracija privrednog subjekta Sunce osiguranje i privrednog subjekta Bosna osiguranje**

Sarajevo,  
Decembar 2006. godine



Broj: 01-04-26-015-8-II/06  
Sarajevo, 22. decembar 2006 godine

Na osnovu člana 25. stav (1) pod e), člana 42. stav (1) pod d) i člana 43. stav (2), a u vezi sa članom 12.,14.,15.,16., i 18. Zakona o konkurenciji («Službeni glasnik BiH», broj 48/05) i člana 193. stav (2) Zakona o upravnom postupku («Službeni glasnik BiH», broj 29/02) po Prijavi namjere koncentracije između privrednog subjekta Bosna osiguranje d.d. Sarajevo. Azize Šaćirbegović 10, kojeg zastupa direktor Refik Duran i privrednog subjekta Sunce osiguranje d.d. Sarajevo, Azize Šaćirbegović 13, kojeg zastupa direktor Željko Pervan, zaprimljenoj pod brojem 01-04-26-015-II/06 dana 20.09.2006 godine, Konkurencijsko vijeće na 38. (tridesetosmoj) sjednici održanoj dana 22. decembra 2006 godine, je donijelo

### **R J E Š E N J E**

1. Ocjenjuje se dopuštenom koncentracija koja će nastati na tržištu usluga osiguranja u Federaciji Bosne i Hercegovine i Brčko Distriktu Bosne i Hercegovine kao posljedica pripajanja privrednog subjekta Sunce osiguranje d.d. Sarajevo, Azize Šaćirbegović 13., privrednom subjektu Bosna osiguranje d.d. Sarajevo, Azize Šaćirbegović 10.
2. Ovo Rješenje je konačno i upisuje se u Registar koncentracija.
3. Ovo Rješenje biće objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Privredni subjekt Bosna osiguranje d.d. Sarajevo, Azize Šaćirbegović 10 (u daljem tekstu: Podnosilac prijave /Bosna osiguranje) podnio je Konkurencijskom vijeću Prijavu namjere koncentracije (u daljem tekstu: Prijava) koja će nastati pripajanjem privrednog subjekta Sunce osiguranja d.d. Sarajevo, Azize Šaćirbegović 13 (u daljem tekstu: Sunce osiguranje) privrednom subjektu Bosna osiguranje.

Prijava je podnesena dana 20.09.2006. godine, u skladu sa članom 16. Zakona o konkurenciji.

Obzirom da je ukupan prihod na tržištu usluga osiguranja, za godinu koja je prethodila koncentraciji odnosan u 2005. godini, u privrednom subjektu Bosna osiguranje iznosio 13.490.617,00 KM, a u privrednom subjektu Sunce osiguranje 13.182.353,00 KM učesnici koncentracije, u skladu sa članom 14. stav 1. pod b) Zakona o konkurenciji, su bili u obavezi podnijeti Prijavu.

Uvidom u podnesenu Prijavu Konkurencijsko vijeće je utvrdilo da ista nije potpuna, u smislu čl. 30. i 31. Zakona o konkurenciji, radi čega je dana 13.10.2006. godine pisanim zahtjevom zatražilo da Podnosilac prijave istu dopuni, u smislu navedenog člana predmetnog Zakona.

Privredni subjekt Bosna osiguranje u zakonskom roku, dana 20.10.2006. godine, dopunio Prijavu te je Konkurencijsko vijeće, u skladu sa članom 30. stav (3) Zakona o konkurenciji, izdalo Potvrdu o prijemu kompletne i uredne Prijave dana 08.11.2006. godine

Analizirajući Prijavu i dokumentaciju dostavljenu uz Prijavu Konkurencijsko vijeće je utvrdilo sljedeće činjenice:

Pravni osnov namjeravane koncentracije je Odluka o namjeravanoj reorganizaciji (statusnoj promjeni pripajanja) privrednog društva Sunce osiguranje privrednom društvu Bosna osiguranje koja je usvojena od strane učesnika koncentracije dana 12.09.2006. godine.

Pravni oblik koncentracije je pripajanje jednog nezavisnog privrednog subjekta drugom privrednom subjektu, u skladu sa članom 12. Zakona o konkurenciji odnosno u predmetnom slučaju pripajanje privrednog subjekta Sunce osiguranje privrednom subjektu Bosna osiguranje.

Većinski vlasnik privrednog subjekta Bosna osiguranje je privredni subjekt JADRANSKO OSIGURANJE d.d. Split, Republika Hrvatska sa 77,47% vlasničkog kapitala.

Većinski vlasnik privrednog subjekta Sunce osiguranja je privredni subjekt Sunce osiguranje d.d. Zagreb, Republika Hrvatska sa 75,2% vlasničkog kapitala.

Privredni subjekat JADRANSKO OSIGURANJE d.d. Split i privredni subjekat Sunce osiguranje d.d. Zagreb nemaju većinsko vlasništvo u kapitalu niti većinsko pravo glasa u ostalim osiguravajućim društvima, koja djeluju na teritoriji Bosne i Hercegovine.

Učesnici koncentracije privredni subjekt Bosna osiguranje i privredni subjekt Sunce osiguranje rade i djeluju samo na teritoriji Federacije Bosne i Hercegovine i Brčko Distrikta Bosne i Hercegovine te se shodno tome pod relevantnim tržištem u ocjeni predmetne koncentracije smatraju usluge osiguranja imovine i lica na teritoriji Federacije Bosne i Hercegovine i Brčko Distrikta Bosne i Hercegovine.

Ukupan prihod učesnika koncentracije i njihovih tržišnih konkurenata ostvaren u 2004. i 2005. godini u smislu člana 15. stav (1) pod b) Zakona o konkurenciji, kao i tržišno učešće učesnika koncentracije i njihovih tržišnih konkurenata na relevantnom tržištu je:

Naziv društva	2004.			2005.			Index 2005/2004
	Premija (izražena u KM)	%	Rang	Premija (izražena u KM)	%	Rang	
Sarajevo osiguranje	46.703.881,00	21,02	1	48.821.250,00	20,05	1	104,53
Croatia osiguranje	29.300.032,00	13,19	2	33.816.102,00	13,89	2	115,41
Triglav BiH osiguranje	18.497.791,00	8,32	4	22.370.768,00	9,19	3	120,94
Euroherc osiguranje	18.840.174,00	8,48	3	21.178.913,00	8,70	4	112,41
Raiffeisen BiH osiguranje	14.748.752,00	6,64	5	17.057.034,00	7,01	5	115,65
VGT osiguranje	12.391.513,00	5,58	7	14.494.902,00	5,95	6	116,97
Bosna osiguranje	13.931.364,00	6,27	6	13.490.617,00	5,54	7	96,84
Sunce BiH osiguranje	11.946.967,00	5,38	8	13.182.353,00	5,41	8	110,34
Lido	9.350.349,00	4,21	11	11.018.336,00	4,53	9	117,84
Grawe	10.124.662,00	4,55	9	10.993.399,00	4,52	10	108,58
Bosansko-Njemačko	9.238.500,00	4,16	12	10.131.369,00	4,16	11	109,66
Hercegovina osiguranje	9.446.175,00	4,25	10	8.547.103,00	3,52	12	90,48
Camelija	5.309.084,00	2,38	14	5.782.132,00	2,38	13	108,91

Zovko	6.106.942,00	2,75	13	5.485.343,00	2,25	14	89,82
Merkur BH	2.111.393,00	0,95	16	3.191.749,00	1,31	15	151,17
Helios	1.912.359,00	0,86	17	2.021.072,00	0,83	16	105,68
Una-Sana	2.261.973,00	1,01	15	1.860.000,00	0,76	17	82,23
<b>UKUPNO</b>	<b>222.221.911,00</b>	<b>100,00</b>		<b>243.442.442,00</b>	<b>100,00</b>		<b>109,55</b>

Zajednički tržišni udio učesnika namjeravane koncentracije na relevantnom tržištu na osnovu ukupnog prihoda ostvarenih u 2005 godini je iznosio 26.672.970,00 KM odnosno 10,95% tržišnog udjela svih privrednih subjekata konkurenata na relevantnom tržištu.

Pored učesnika koncentracije na relevantnom tržištu djeluje još 13 privrednih subjekata – konkuranata od kojih privredni subjekt Sarajevo osiguranje ima tržišno učešće od 20,5%, privredni subjekt Croatia osiguranje 13,89%, privredni subjekt Triglav BiH osiguranje 9,19%, što pretpostavka da namjeravana koncentracija neće narušiti postojeću tržišnu konkurenciju.

Imajući u vidu utvrđene činjenice Konkurencijsko vijeće je procijenilo da namjeravana koncentracija neće imati za posljedicu negativne efekte na relevantnom tržištu te je odlučilo kao u dispozitivu ovog Rješenja.

#### **Administrativna taksa**

Privredni subjekt Bosna osiguranje obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine, u smislu Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06).

#### **Pouka o pravnom lijeku**

Protiv ovog Rješenja nezadovoljna stranka može pokrenuti upravni spor pred Sudom Bosne i Hercegovine u roku od 30 (trideset) dana od dana prijema Rješenja, odnosno objavljivanja u Službenom glasniku BiH.

**Predsjednik**

**Gordan Raspudić**